

CUNTENTU D'ESSER BIU

A cara a mare in pasidos manzanos
miro sas primas tintas de sa die,
cand' in s'atta 'e su monte, rie rie
su sole 'ogat lugores chitulanos.

Sa vida est un'incantu; e sun galanos
tantos momentos. cando chintu sie
de bellos orizontes, 'ue ghie (1)
'olos de pensamientos andantanos (2).

Ma medas, in quadros ch'amo e creo,
sebestan (3) solu telas de isviu (4)
e chizas (5) chena resa o de museo.

Forsis su mundu insoro, est mare e riu
de milli ateras lughes, mentras deo,
miro albores, cuntentu d'esser biu.

MOTTO: Momentos galanos

PINUCCIO GIUDICE MARRAS
MACOMER

NOTE:

- 1 - 'Ue ghie: dove guidi
- 2 - Andantanos: vagabondi, viandanti
- 3 - Sebestan: Scorgono, vedono, trovano
- 4 - Isviu: perdita di tempo
- 5 - Chizas: aspetti, figure